

INUIT ATAQATIGIIT

Inatsisartuni



UKA 2018/80

29.10.2018

Mikivisuk Thomassen

Nuna tamakkerlugu Pinaveersaartitsinermut Siunnersuisoqatigiinnik pilersitsinissaq pillugu kingusinnerpaamik UPA2019-mi siunnersuummik saqqummiusseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut. Siunnersuisoqatigiit Naalakkersuisunut, Inatsisartunut taamatullu kommuninut siunnersuisartuussapput atulissallutillu najukkani pinaveersaartitsinermut ataatsimiititaliaq, Imigassaq aamma Ikiaroorartoq pillugit Siunnersuisoqatigit kiisalu immaqa Peqqinnissaqarfinni pinaveersaartitsisutut siunnersortitut atorfillit taarserlugit.

(Inatsisartunut ilaasortaq Tillie Martinussen, Suleqatigiissitsisut)

Siunnersuummut tunngatillugu Inuit Ataqatigiinniit siunnersuutigineqartoq imaattumik oqaaseqarfigissavarput.

Siunnersuut imartuujuvoq soqutiginarlunilu, siunnersuutip imarisaa siunnerfiatigut oqalliseqataaffigerusupparput. Illoqarfiit kommunillu namminneerlutik pinaveersaartsitineq aallulluartariaqarpaat nukittunerpaajullunilu sumiiffigisami ilisimaarilluakkat aallaavigalugit pilersaarusiortarnissaq, qulaaniit aalajangiinnarneqarsinnanera apequsernartikkaluarlugu nassuerutigisariaqarparput illoqarfinni nunaqarfinnilu pinaveersaartsitineq ilaatigut oqaasiinnanngornikuusoq, pingaartipparpullu nukiit sumiiffinni ataasiakkaani siammasissumik pigineqareersut ataatsimut eqiterneqarnissaa eqqartorluagassaasoq.

Inuit Ataqatigiinniit equmaarivarput kommunit pinaveersaartitsinermik nunaqqatigiillu suliaqarsinnaanerat nukittorsarneqartartoq taakkuummatami nunaqarfimmini tunngasut ilisimaarinnilluinnartut.

INUIT ATAQATIGIIT

Inatsisartuni



Siunnersuut tunngavigalugu innersuupparput ilaqutariinnermi peqqissutsimut
atuutsitsinermullu ataatsimiititaliami ingerlateqqinneqarnissaa.